



Sri Sathya Sai Books and Publications Trust,
Prasanthi Nilayam.

श्री रुद्रम्

10th Anuvaka

द्रापे॑ अन्ध॑सस्पते॑ दरि॑द्रन्नी॒ललो॑हित । ए॒षां पु॒रुषा॑णामे॒षां प॒शूनां॑ मा भे॒र्माऽरो॑ मो ए॒षां
किञ्च॑नाममत्

drāpe andhasaspate daridrannīlaloohita | eṣām puruṣāṇāmeṣām paśūnām
mā bhermā'roo mo eṣām kiñcanāmat .

या ते॑ रु॒द्र शि॒वा त॒नूः शि॒वा वि॒श्वाह॑भेष॒जी । शि॒वा रु॒द्रस्य॑ भेष॒जी तया॑ नो मृ॒ड जी॒वसे॑ ॥

yā te rudra śivā tanūḥ śivā viśvāhabheṣajī | śivā rudrasya bheṣajī tayā no
mrḍa jīvase ||

इमा॑गं रु॒द्राय॑ तवसे॑ क॒पर्दिने॑ क्षय॒द्वीराय॑ प्रभ॒राम॑हे म॒तिम् । यथा॑ नः श॒मस॑द्द्वि॒पदे॑ चतु॒ष्पदे॑
वि॒श्वं पु॒ष्टं ग्रा॑मे अ॒स्मिन्न॑नातुरम् ॥

imāgṁ rudrāya tavase kapardine kṣayadvīrāya prabharāmahe matim |
yathā naḥ śamasaddvipade catuṣpade viśvaṁ puṣṭaṁ grāme
asminnanāturam ||

मृ॒डा नो॑ रु॒द्रोत॑ नो मय॑स्कृ॒धि क्षय॑द्वी॒राय॑ नम॒सा वि॒धेम॑ ते । यच्छं॑ च योश्च॑ म॒नुरा॑यजे पि॒ता
तद॑श्याम तव रु॒द्र प्र॑णीतौ ॥

mrḍā no rudrota no mayaskṛdhi kṣayadvīrāya namasā vidhema te |
yacchaṁ ca yoośca manurāyaje pitā tadaśyāma tava rudra praṇītau ||

मा नो॑ म॒हान्त॑मु॒त मा नो॑ अ॒र्भकं॑ मा न उ॒क्षन्त॑मु॒त मा न उ॒क्षित॑म् । मा नो॑ऽव॒धीः पि॒तरं॑ मोत
मा॒तरं॑ प्रि॒या मा न॑स्तनु॒वो रु॒द्र री॑रिषः

Mā no mahāntamuṭa mā no arbhakaṁ mā na ukṣantamuṭa mā na
ukṣitam | mā no'vadhīḥ pītarāṁ mota mātaraṁ priyā mā nāstanuvō
rudra rīriṣaḥ

मा नस्तोके तनये मा न आयुषि मा नो गोषु मा नो अश्वेषु रीरिषः ।

वीरान्मा नो रुद्र भामितोऽवधीर्हविष्मन्तो नमसा विधेम ते

mā nāstoke tanāye mā nā āyūṣi mā no goṣu mā no aśveṣu rīriṣaḥ |
vīrānmā no rudra bhāmito'vadhīrhaṣmanto namasā vidhema te

आरात्ते गोघ्न उत पूरुषघ्ने क्षयद्वीराय सुम्नमस्मे ते अस्तु । रक्षा च नो अधि च देव ब्रूह्यधा च
नः शर्म यच्छ द्विबर्हाः

ārātte goḡhna uta pūruṣaghne kṣayadvīrāya sumnamasme
te astu | rakṣā ca no adhi ca deva brūhyadhā ca naḥ śarmā yaccha
dvibarhāḥ

स्तुहि श्रुतं गर्तसदं युवानं मृगन्न भीममुपहत्नुमुग्रम् । मृडा जरित्रे रुद्र स्तवानो अन्यन्ते

अस्मन्निवपन्तु सेनाः

stuhi śrutam gartasadam yuvānam mṛganna bhīmamupahaṭnumuḡram |
mṛḍā jaritre rūdra stavāno anyante asmannivāpantu senāḥ

परिणो रुद्रस्य हेतिर्वृणक्तु परि त्वेषस्य दुर्मति रघायोः । अव स्थिरा मघवद्भयस्तनुष्व
मीढ्वस्तोकाय तनयाय मृडय ॥

pariṇo rūdrasya hetirvṛṇaktu pari tveṣasya durmati raghāyoḥ | avā
sthirā maḡhavadbhayastanuṣva mīḍhvastokāya tanayāya mṛḍaya ||

मीढुष्टम शिवतम शिवो नः सुमना भव । परमे वृक्ष आयुधन्निधाय कृत्तिं वसान आचर पिनाकं
बिभ्रदागहि ॥

mīḍhuṣṭama śivatama śivo naḥ sumanā bhava | parame vṛkṣa
āyudhannidhāya kṛttim vasāna ācara pinākam bibhradāgahi ||

विकिरि॑द् विलो॑हित॒ नमस्ते॑ अस्तु॒ भगवः॑ । यास्ते॑ सह॒स्रगं॑ हे॒तयो॑न्यमस्मन्निव॑पन्तु॒ ताः
vikirida॑ vilohita॒ namaste॑ astu bhagavaḥ॑ | yāste॑ sahasragam॑
hetayonyama॑smannivapantu॒ tāḥ

सह॑स्राणि॒ सह॑स्रधा॒ बाहु॑वोस्तव॒ हेतयः॑ । तासामी॑शानो॒ भगवः॑ परा॒चीना॑ मुखा॒ कृधि॑ ॥१०॥
sahasra॑ṇi sahasra॒dhā bāhu॑vostava॒ hetayaḥ॑ | tāsāmīśāno॑ bhagavaḥ parācīnā
mukhā॑ kṛdhi॑ || 10||